

2025 年東華大學全國高中職學生硬筆書法競賽題目

✧ 請擇一書寫，不寫標點符號，最後一行請落款。

題目：

1.節錄《莊子·秋水》

秋水時至，百川灌河；涇流之大，兩涘渚崖之間不辯牛馬。河伯欣然自喜，以天下之美為盡在己。順流而東行，至於北海，東面而視，不見水端。於是旋其面目，望洋向若而歎：「野語有之曰，『聞道百，以為莫己若』者，我之謂也。」

2.節錄張若虛〈春江花月夜〉

人生代代無窮已，江月年年祇相似。不知江月待何人，但見長江送流水。
白雲一片去悠悠，青楓浦上不勝愁。誰家今夜扁舟子？何處相思明月樓？
可憐樓上月徘徊，應照離人妝鏡台。玉戶簾中卷不去，擣衣砧上拂還來。
此時相望不相聞，願逐月華流照君。

3.節錄白居易〈琵琶行〉

忽聞水上琵琶聲，主人忘歸客不發。尋聲暗問彈者誰，琵琶聲停欲語遲。
移船相近邀相見，添酒回燈重開宴。千呼萬喚始出來，猶抱琵琶半遮面。
轉軸撥弦三兩聲，未成曲調先有情。弦弦掩抑聲聲思，似訴平生不得志。
低眉信手續續彈，說盡心中無限事。

4. 節錄歐陽修〈秋聲賦〉

嗟乎！草木無情，有時飄零。人為動物，惟物之靈；百憂感其心，萬事勞其形；有動于中，必搖其精。而況思其力之所不及，憂其智之所不能；宜其渥然丹者為槁木，黝然黑者為星星。奈何以非金石之質，而欲與草木而爭榮？